

**U G O V O R**  
**o nabavci i isporuci lož ulja extra lako (LUEL), prema BAS 1002**  
**za zagrijavanje prostorija**

Zaključen dana 15.11.2018. godine u Vogošći između:

1. JU OŠ "Zahid Baručija" Vogošća, ulica Omladinska broj 14, koju zastupa direktor Hamdija Kučević (u daljem tekstu: Kupac), i
2. "HIFA-PETROL" d.o.o. Sarajevo; Društvo za promet naftom i naftinim derivatima, Općina Vogošća (71320), Hotonj bb, koju zastupa Hajrudin Ahmetlić, (u daljem tekstu: Prodavac), s druge strane

Član 1.

Ovim ugovorom, Prodavac se obavezuje, da će za potrebe Kupca izvršiti nabavku i isporuku lož ulja extra lako (LUEL) za zagrijavanje prostorija prema BAS 1002, prema specifikaciji, sukcesivno za period do 12 mjeseci.  
Ugovor se zaključuje na osnovu Odluke o izboru najpovoljnijeg ponuđača broj: 04-1397/18 od 01.11.2018. godine i ponude Prodavca broj: JN-5122/18 od 30.10.2018. godine, izabrane od strane Kupca putem Konkurentskog zahtjeva za dostavu ponuda.

Član 2.

Prodavac se obavezuje, da će robe iz člana 1. ovog Ugovora izvršiti kvalitetno i pravovremeno prema narudžbi Ugovornog organa u vremenskom trajanju do 12 mjeseci, u skladu sa obrascem i specifikacijom za cijenu ponude i u skladu sa važećim OPC na dan isporuke za pumpu sa koje vrši isporuku. Prodavac se obavezuje, da će robe iz člana 1. ovog Ugovora isporučiti najkasnije u roku od 72 sata od zaprimljene narudžbe Ugovornog organa.

Član 3.

Ukupno ugovorena cijena za izvršene usluge iz predmeta ovog Ugovora iznosi 22.815 KM (slovima: dvadesetdvijehiljadestotinapetnaest KM).  
U ukupno ugovorenu cijenu iz prethodnog stava ovog člana, uračunati su troškovi PDVa. Prodavac se obavezuje da će kod svake isporučene količine primijeniti popust odobren u procentu od: 4,67% u Ponudi broj: JN-5122/18 od 30.10.2018. godine.

Član 4.

Plaćanje ukupno ugovorene cijene iz člana 3. ovog Ugovora, Kupac će izvršiti Prodavcu u roku 15 dana, uplatom na žiro-račun broj: 3385502203296597, sukcesivno u periodu do 12 mjeseci, a na osnovu dokumentacije o isporučenoj robi ispostavljenim fakturama ovjerenim od strane Kupca. U slučaju da se prilikom primopredaje robe, konstatuju nedostaci i odstupanja od tehničkih karakteristika datih u Ponudi broj: JN-5122/18 od 30.10.2018. godine, Kupac se obavezuje da će isplatu izvršiti odmah, a najkasnije u roku

od 15 dana, nakon što Prodavac otkloni nedostatke konstatovane u zapisniku o primopredaji robe.

Član 5.

Prodavac se obavezuje da će isporučena roba iz člana 1. ovog Ugovora, biti traženog kvaliteta, odnosno kvaliteta koji je dao u svojoj Ponudi broj: JN-5122/18 od 30.10.2018. godine, a koju je Kupac odabrao kao najpovoljniju.

Član 6.

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji iste.

Prodavac se obavezuje da će primjedbe konstatovane Zapisnikom o primopredaji otkloniti o svom trošku, a najkasnije u roku od 15 dana od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o primopredaji, Kupac zadržava pravo da raskine ugovor.

Član 7.

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće spor će riješiti Općinski sud u Sarajevu.

Član 8.

Na odredbe ovog Ugovora, kao i za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 9.

Ovaj Ugovor sačinjen je u 4 (četiri) istovjetna primjerka, od kojih 2 (dva) primjerka zadržava Kupac, a 2 (dva) primjerka zadržava Prodavac.

PRODAVAC

HIFA-PETROL“ d.o.o. Sarajevo  
Direktor  
Hajrudin Ahmetlić

Broj:

2576/18

U Vogošći, 15.11.2018. godine

KUPAC

JU.OŠ “Zahid Baručija” Vogošća  
Direktor  
Hamdija Kučević, prof

Broj: 04-1479/18